

N. P.
S. XVII
F. 124

e. 13.541

8
11

nicolau primitiu
cup. ton 14/7
V1601 D-2

cir. 30. valg.
eglesia valentina

IN NOMINE

SANCTISSIMA et individual... .

E

Roma
1657



BIBLIOTECA VALENCIANA

IN NOME SANCTISSIMÆ, ET

individuæ Trinitatis Patris, &
Filij, & Spiritus Sancti.
Amen.



LEXANDER EPISCOPVS SERVVS SERVORVM
DEI, AD PERPETVAM REI MEMORIAM:
Super vñiversi Orbis Ecclesias nostræ vigilantiaæ divi-
na dispositione commissas, eo disponente, qui cun-
ctis imperat, Creatore, & cui vñiversalis subserviunt,
meritis licet imparibus constituti, levamus in circuitu
agri Dominiæ oculos nostros more vigilis Pastoris,
inspecturi quid Ecclesiæ ipsarum, præsertim Me-
tropolitanarum insignium statui, & decori conveniat,
quidve operis circa illas impendi debeat, & Iæ fulti præsidio, qui cuncta ex
sui benignitate, pro suorum fidelium salute disponit ad ea, quæ statum Eccle-
siarum huiusmodi concernunt: Romanorum Pontificum prædecessorum
nostrorum, ac nostra iam cepta prosequentes vestigia, officij nostri partes ef-
ficaciter impendimus, aliasque desuper disponimus, prout salus animarum exi-
git, & pia Catholicorum Regum, ac Præsulum, & Capitulorum earundem
Ecclesiæ vota exposcunt, ac rationabiles causæ petiuntur, nec non loco-
rum qualitatibus diligenter attentis, salubriter in Domino conspicimus expe-
dire. Dudum siquidem felicis recor. Sixtus PP. III. prædecessor noster statuit, & ordinavit in omnibus, & singulis Metropolitanis, & Cathedralibus Ec-
clesijs Castellæ, & legionis Regnum, de duobus Canoniciatibus, & totidem
Præbendis, qui tunc primo loco vacassent, & quoties illoꝝ pro tempore vaca-
re contigisset, etiam si dispositioni Apostolicæ generaliter reservati forent, per-
petuis futuris temporibus, vni, qui in Theologia Magister, seu Licentiatus,
& alteri, qui in altero Iurium Doctor, seu Licentiatus existerent, possent, &
deberent vñâ cum capitulo cuiuslibet earundem Ecclesiæ ordinaria autho-
ritate provideri; ita tamen, vt de eis, qui primo Doctori, vel cum rigore ex-
aminis Licentiato in altero Iurium, & alijs qui postmodum vacarent simili, vel
successivè Canoniciatibus, & Præbendis huiusmodi, Magistro, vel Licen-
ciato in Theologia provideretur, & inter huiusmodi Doctores, & Licencia-
tos eosdem pro tempore nominatos, illi, qui de nobili genere procreari fo-
rent, alijs non nobilibus, & inter ipsos nobiles, qui ex utroque parente nobiles
forent, nobilibus ex altero, & inter ex utroque, vel uno latere nobiles de ma-
iori nobilium genere procreati, de minori procreatis, per eosdem Ordinarios
Collatores, & Capitula præligerentur, qui si in eadem Ecclesia, & alias sic
qualificati reperirentur, alijs præferentur, siveque perpetuis futuris temporibus
observaretur. Et successivè pia mem. Leo PP. X. & prædecessor noster for-
mam servandam in dicto examine præscripsit; ac postmodum recolenda me-
moria Gregorius PP. XV. similiter prædecessor noster statuit, & ordinavit,
quod ex tunc deinceps, perpetuis futuris temporibus, Canonici ad omnes, &
singulos Canoniciatibus, & Præbendas Poenitentiarias quarumcumque Metro-
politanarum, & Cathedralium Ecclesiæ, tam eatenus institutos, quam

A 2

etiam



etiam deinceps pro complemento Decretorum Concilij Tridentini instituendos, quandocumque, & quoriescumque, non tamen in Curia Romana, & apud Sedem Apostolicam quamcumque vacare contigisset, per Ordinarios locorum, & Capitula dictarum Ecclesiarum, tamen prævio concursu sub certis modo, & forma, tunc expressis habendo, eligi deberent. Nosque nuper motu proprio statuimus, & ordinavimus, quod de cæterò, perpetuis futuris temporibus, in singulis concursibus super Canonicatibus, & Præbendis in paritate votorum reiecta sorte, & nobilitatis qualitate, sola ætatis concurrentium ratio haberetur, in reliquis tamen forma litterarum, & indultorum Apostolicorum super modo, & forma providendi de similibus Canonicatibus gradualibus, vt ante nostrum statutum omnino servari voluimus, prout in prædictis Sixti, Leonis, & Gregorij prædecessorum prædictorum, ac nostris desuper confessis litteris plenius continetur. Cum autem sicut nobis nuper charissimus in Christo filius noster Philippus, Hispaniarum Rex Catholicus, per dilectum filium nobilem virum Didacum de Aragonia, Ducem Terrænaevæ, suum apud Nos, & Sedem Apostolicam Oratorem extraordinarium, exponi fecit, in Ecclesia Valentina totius Regni Valentiae Metropoli, quæ de iure Patronatus ipsius Philippi Regis ex privilegio Apostolico, cui non nullatenus in aliquo derogatum esse dignoscitur, nulli adhuc ex Canonicatibus, & Præbendis dictæ Ecclesiæ Valentinæ pro Doctorali, vel Magistrali affecti repellantur, & licet Pœnitentiaria Præbenda, ibidem instituta fuerit, attamen sicut accepimus, concursus ad Magistram, & Doctoralem, ac Pœnitentiariam Præbendam iuxta singulorum prædecessorum, huiusmodi litteras minime introductus fuerit; in votis quoque prædicti Philippi Regis, nec non venerabilis patris nostri Archiepiscopi Valentini, & dilectorum filiorum Capituli, & Cleri Ecclesiæ Valentinæ existat, quod litteræ Sixti, & quoad formam examinis Leonis prædecessorum prædictorum, quoad Magistram, & Doctoralem Præbendas ad ipsam Ecclesiam Valentianam extendantur, & amplientur, prædictæ verò ipsius Gregorij prædecessoris litteræ in Ecclesia Valentina inviolabiliter observentur. Nos igitur eisdem votis libenter annuentes, motu proprio, ex certa scientia, & mera nostra deliberatione, & pro maiori dictæ Ecclesiæ Valentinæ decore, & venustate, divinique cultus in ea augmento, litteras Apostolicas prædictorum Sixti, & Leonis prædecessorum, ac etiam nostras ad dictam Metropolitanam Ecclesiam Valentianam, in qua de omnibus Canonicatibus, & totidem Præbendis iam vt infra vacantibus, seu quandocumque de cæterò vacaturis, de duobus videlicet Doctorali, & Theologali iuxta prædictorum Sixti, & Leonis, vt infra tamen extendimus, & ampliamus. Quo verò ad Pœnitentiariam Præbendam prædicti Gregorij prædecessoris litterarum formam, & tenorem inviolabiliter observari, & moderati mandamus, & ad hunc effectum, & pro potiori cautela vnum, & vnam, quos venerabilis frater noster Franciscus de Rojas Archiepiscopus Tarragonensis, tempore promotionis de sui persona ad Ecclesiam Tarragonensem, certo tunc espresso modo Pastoris solatio destitutam, per piæ memorie Innocentium PP. X. similiter prædecessorem nostrum factæ obtinebat, & quos idem Innocentius per solam promotionem huiusmodi vacare decrevit, iuxta decretum huiusmodi, apud Sedem Apostolicam vacantes, ex speciali dono gratiæ, vni, qui saltem iure Canonico Doctor, seu Licentiatus existat; ac alium, & aliam in Pœnitentiariam, iam vt prædictitur institutam, quos dilectus filius Thomas Corbi I. V. D. ipsius Ecclesiæ Valentinæ Canonicus ad præfens obtinet, & in quorum regimine, & administratione dilectus filius Franciscus Riz, etiam decretorum Doctor Coadiutor perpetuus, cum futura successione in eisdem Apostolica authoritate constitutus, & deputatus fuit, cum primum, vt prædictitur vacaverint, vni qui etiam in Theologia Magister, vel in iure Canonico iuxta decretorum eiusdem Concilij dispositionem gra-

duatus esse debeat; ac reliquum, & reliquam eiusdem Ecclesiae Valentinae
Canonicatus, & Præbendas primo loco vacatas, etiam si dispositioni
Apostolicæ generaliter, seu specialiter reservati, & affecti fuerint, vni in
Theologia Magistro, seu Licentiato, & de quibus omnibus tam in prædicta
vacatione ex persona dicti Francisci Archiepiscopi, quam in alijs similibus va-
cationibus de Doctorali, & Magistrali, videlicet alias iuxta prædictorum Six-
ti, & Leonis; de Pœnitentiaria verò iuxta eiusdem Gregorij prædecessorum,
per Ordinarium, & Capitulum prædictos, non tamen in prædictis vacationi-
bus in Curia, & apud Sedem huiusmodi provideri debeat, Apostolica au-
thoritate, tenore præsentium perpetuo afficimus, & destinamus. Cumque
sicut etiam accepimus, vltra septem dignitates in eadem Ecclesia Valentina
existentes, decem Præposituræ, vulgo Pabordia nuncupataæ, quas pro tem-
pore obtainentibus, onus publicè docendi in Vniversitate studij Generalis Va-
lentini incumbit, quorum singulæ vnâ cum aliquo, & aliqua ex Canonicati-
bus, & Præbendis eiusdem Ecclesiae Valentinae, etiam sine dispensatione
Apostolica, obtineri forsitan consueverunt, reperiantur, consuetudinem ne
huiusmodi ad aliquem, & aliquam ex Canonicatibus, & Præbendis graduali-
bus huiusmodi, nullatenus extendendam esse, sed ad singulas Præposituras
prædictas vti omnino incompatibilis cum singulis Canonicatibus, & Præben-
dis gradualibus huiusmodi, sive per assecutionem alicuius ex Præbendis gra-
dualibus, prius vacare debere, etiam perpetuo statuimus, & declaramus: de-
cernentes similiter motu proprio, præsentes litteras, etiam ex eo quod cau-
ſæ, propter quas emanarunt iustificataæ, & coram quibus de iure iustifican-
daæ, & approbandaæ, verificataæ, & approbatæ, ipseque Archiepiscopus Va-
lentinus, & Capitulum dictæ Ecclesiae Valentinae, & alij quicunque interesset
habentes, ad id legitimè vocati non fuerint, nec præmissis concenserint, seu
etiam enormis, & enormissimæ laſionis, vel alio prætextu quocumque, &
quavis alia quantumvis legitima vrgenti, & iuridica causa, de subreptionis,
& obreptionis, seu nullitatæ vitio, seu intentionis nostræ, vel aliquocumque de-
fectu notari, impugnari, invalidari, retractari, in ius, vel controversiam re-
vocari, ad terminos iuris reduci, seu adversus eos quodcumque iuris, vel
facti remedium impetrari, nullatenus posse; ac illas sub quibusvis similium
gratiarum revocationibus, limitationibus, modificationibus, suspensionibus,
& alijs contrariis dispositionibus, etiam per Nos, & Sedem Apostolicam præ-
dictam, & quoscumque alios Romanos Pontifices successores nostros, vel
alias etiam motu proprio, & ex certa scientia, & de Apostolicæ potestatis
plenitudine, similibus sub quibuscumque tenoribus, & formis, ac cum qui-
busvis etiam derogatoriis derogatorijs, alijsque efficacioribus, & insolitis
clausulis irritantibusque, & alijs decretis non comprehendendi, sed semper ab
illis excipi, & quoties illæ emanabunt, tories in pristinum, ac cum in quo
erant antea statum, restitutas, repositas, & plenarie reintegratas, ac de novo
etiam, & sub quacumque posteriori, & nova data eligenda concessas, eas
que semper perpetuæ validas, & efficaces fore, & esse, suosque plenarios,
& integros effectus sortiri, & obtinere: decernentes etiam motu, & plenitu-
dine paribus easdem præsentes litteras vim, & robur validè inter Sedem
Apostolicam ex vna, ac Regem, & Archiepiscopum Valentiniūm prædictos
ex altera partibus, ritè, & rectè initi, & stipulati, ac etiam vtrinque iurati
contractus habere, & perpetuo optinere, suosque plenarios, & integros
effectus sortiri, & obtinere debere, ac ab omnibus irrevocabiliter observari,
nec ei, vlo vñquam tempore, etiam ex quacumque iustissima causa deroga-
ri, aut per quascumque litteras Apostolicas derogatum censeri, & ita per
quoscumque Iudices, & causarum Palatij Apostolici Auditores, ac S. R. E.
Cardinales, etiam de Littere Legatos, ac dictæ Sedis Apostolicæ Nuntios,
sublata eis, & eorum cuiubet aliter iudicandi, & interpretandi facultate, iu-
dicari,

scip. 52 - cij

5 dicari, & diffiniri debere , irritumque , & inanè quidquid secūs super his à quoquam , quavis autoritate scienter , vel ignoranter contigerit attentari . Non obstantibus quatenus opus sit nostris , & Cancellariæ Apostolicæ regulis , etiam de iure quæsito non tollendo , ac alijs quibusvis Apostolicis , & Ordinariis , etiam in Provincialibus , & Synodalibus , vñiversalibusque Concilijs æditis , & ædendis , specialibus , vel generalibus constitutionibus , & ordinationibus dictæque Ecclesiæ Valentiniæ , etiam iuramento , confirmatione Apostolica , vel quavis firmitate alia roboratis , statutis , & consuetudinibus ipsius Ecclesiæ Valentinæ superioribus , & personis , ac etiam dictis Præpositis , sub quibuscumque tenoribus , & formis , ac alias quomodolibet concessis , confirmatis , approbatis , & innovatis : quibus omnibus etiam si pro illorum sufficienti derogatione de illis , eorumque totis tenoribus specialis , specifica , expressa , individua , ac de verbo ad verbum , non autem per clausulas generales idem importantes mentio , seu quævis alia expressio habenda , aut aliqua alia exquisita forma ad hoc servanda foret , tenores huiusmodi præsentibus pro expressis habentes , illis alias in suo robore permansuris , hac vice dumtaxat specialiter , & expressè motu pari derogamus , cæterisque contrarijs quibuscumque . Volumus autem , quod singuli electi , vel assumpti ad singulos Canoniciatus , & Præbendas graduales huiusmodi , quotiescumque illi , & illæ , seu aliquis , & aliqua eorum in mense Apostol. vacaverint , aut ratione personæ , seu personarum , aut loci , vel alias generaliter reservatarum , & reservata , seu reservati , & reservatae fuerunt , tales electi , vel assumpti infra sex menses à die illorum electionis , seu assumptionis huiusmodi , per Ordinarium , & Capitulum huiusmodi faciendæ , novam à Sede Apostolica prædicta provisionem impretrare , expedire ac iura Cameræ Apostolicae , & alijs propterea debita solvere teneantur ; alias dictis sex mensibus elapsis , tales Canonicatus , & Præbendas vacare censeantur eo ipso , ita , vt de illis per dictam Sedem Apostolicam dumtaxat disponi possit , ac si securus super his à quoquam , quavis autoritate scienter , vel ignoranter contigerit attentari , irritum , & inane dicta autoritate decernimus . Postremo etiam volumus , quod singulæ litteræ Apostolicae pia memoriae Urbani Papæ VIII. pariter prædecelloris nostri prohibentes , ne obtinentes huiusmodi Canonicatus , & Præbendas possint esse familiares , & Commensales Episcoporum , neque Officiales , seu Vicarij Generales , neque Visitatores , nec abesse etiam occasione officij Inquisitionis hæreticæ pravitatis , in dicta Ecclesia Valentiniæ omnino observentur : quodque obligationibus , & oneribus Poenitentiariæ prædictæ , dicto coadiutoris officio etiam durante per Thomam , vel Franciscum Riz prædictos , omnino satis fieri debeat : quodque præsens gratia ad aliquos alias Canonicatus , & Præbendas eiusdem Ecclesiæ Valentiniæ etiam singulariter nullo modo extendatur . Nulli ergo omnino hominum liceat hanc paginam nostræ affectionis , destinationis , declarationis , derogationis , & voluntatis infringere , vel ei apud temerario contraire : Siquis autem hoc attentare præsumperit , indignationem Omnipotentis Dei , ac Beatorum Petri , & Pauli Apostolorum cùs se noverit incursum . Datt . Roma apud Sanctam Mariam Maiorem , anno Incarnationis Dominicæ millesimo sexcentesimo quinquagesimo septimo , pridie Kal. Augosti , Pontificatus nostri anno tertio .

Imprimatur.

D. Franciscus Faus, R. F. Adv.





